

АТЫРАУ ОБЛЫСТЫҚ ҚОҒАМДЫҚ КЕҢЕСІ

27 ақпан 2024 жыл

№ 1

Атырау қаласы

Жұмыспен қамтуды қолдаудың мемлекеттік шараларының орындалуы және Қоғамдық кеңестің 2023 жылғы 14 ақпандағы №1 қарарының орындалысы туралы

Қазақстан Республикасының «Қоғамдық кеңестер туралы» Заңына сәйкес, Атырау облысы Қоғамдық кеңестің отырысында «Жұмыспен қамтуды қолдаудың мемлекеттік шараларының орындалуы туралы және Қоғамдық кеңестің 2023 жылғы 14 ақпандағы №1 қарарының орындалысы туралы» облыстық Жұмыспен қамтуды үлестіру және әлеуметтік бағдарламалар басқармасының басшысы А.Мамбетовтың баяндамасын тыңдап, талқылап облыстық қоғамдық кеңесі отырысы **ҚАРАР ҚАБЫЛДАДЫ:**

1. Жұмыспен қамтуды үлестіру және әлеуметтік бағдарламалар басқармасының басшысы А.Мамбетовтың баяндамасы қаперге алынсын.

2. Жұмыспен қамтуды үлестіру және әлеуметтік бағдарламалар басқармасына (А.Мамбетов):

1) Тәжірибесі жоқ жастарды жұмысқа орналастыру үшін ірі кәсіпорындармен, компаниялармен меморандумға отыру мүмкіндіктерін қарастыру;

2) Жұмыссыздықты жою бағытында бос орындар жәрмеңкесін үнемі ұйымдастыру;

3) Мұнай-газ кәсіпорындары шоғырланған, мұнайлы өлкенің қолайсыз экологиясында өмір кешіп жатқан жергілікті тұрғындарды жұмысқа орналастыруға басымдық беру мүмкіндіктерін қарастыру, ірі мұнай компанияларының шетелден жұмысшылар алуына шектеу қойып, жергілікті мамандардың қабылдануын ұйымдастыру;

4) Мүгедектігі бар жандар үшін ұйымдастырылатын әлеуметтік қолдау мен оларды жұмысқа орналастыру бойынша жұмыстарды жалғастыру;

5) Мүгедектігі бар жандарға берілетін қайтарымсыз гранттардың санын көбейту мәселесін қарастыру;

6) Жаңадан ашылатын «Газды қайта өңдеу» зауытының сервистік мекемелеріне жергілікті халықтың жұмысқа алынуын қадағалау;

7) Мүгедектерді қолдау орталығын ашу, қол арбалармен жеткілікті түрде қамтамасыз ету, протездердің сапасын жақсарту;

8) Инвотаксилерге бөлінетін қаржының орынды жұмсалыуын бақылап отыру;

9) Еңбек мобильдік орталығының жұмысын жақсарту, қызметкерлердің жауапкершілігін күшейту ұсынылсын.

3. Шетелдіктерге жұмыс жасауға арнайы рұқсат беру және төлейтін салық көлемін көтеру жөнінде тиісті жоғары органдарға хат жолдау облыстық қоғамдық кеңеске тапсырылсын.

4. Кәсіпкерлік және өнеркәсіп басқармасының басшысы (П.Хасанов):

1) Облысымызда шағын және орта кәсіпкерлікті қолдау мақсатында ұйымдастырылған жобалар мен қарастырылған қаржылар туралы жаңа ақпаратты адам саны көп тіркелген пабликтер арқылы жариялау;

2) Бизнесі дамыту бағытында оқу, кеңестер ұйымдастыру, бизнес жоспарларды тегін жасап беру мүмкіндігін қарастыру;

3) Кәсіпкерлерге қолдауды күшейту бағытында тиісті жұмыстарды жалғастыру;

4) Мемлекеттен берілетін қайтарымсыз гранттар мен жеңілдік пайызбен берілетін микрокредиттер туралы БАҚ-ы арқылы жариялау және толық ақпараттандыру, гранттар беру жөніндегі комиссия құрамына қоғамдық кеңес мүшелерін енгізу;

5) Атырау қаласынан кәсіпкерлерге арналған орталық ашып, заңгерлік және т.б консультацияларды тегін беруді ұйымдастыру;

6) Жергілікті халықты азық-түлік өнімдерімен қамтитын кәсіпкерлерді қолдау, облыс бойынша азық-түлік қауіпсіздігі жоспарының жүзеге асуын бақылау ұсынылсын.

5. «Атырау-Ақпарат» ЖШС-нен жұмыспен қамтылу және кәсіп ашу мүмкіндіктері мен осы бағыттағы заңдағы соңғы өзгерістер туралы халыққа кең көлемде түсінік беру үшін тиісті мекеме басшылары және қоғамдық кеңес мүшелерінің қатынасуымен ток-шоу ұйымдастыру ұсынылсын.

6. Осы қарарда берілген ұсынымдардың орындалуы туралы ақпаратты 2025 жылдың 1 қаңтарына дейін кеңес хатшылығына ұсынуды және атқарылған жұмыстар бойынша кеңес отырысында баяндау ұсынылсын.

Кеңес төрағасы



М.Ізбасов